

知者不言言者不知塞其兌閉其門挫其銳
解其忿和其光同其塵是謂玄同故不可得
親不可得跡不可得利不可得害不可得貴
不可得賤故為天下貴



以政治國以奇用兵以無事取天下吾何以知
天下之然以此天下多忌諱而臣弑自民
多利器國家滋昏臣多知巧奇物滋起法物
滋彰盜賊多有故聖人云我無為民自化我
無事民自雷我好靜民自正我無欲民自朴
其政悶悶其民醇醇其政察察其民缺缺禍
福之所倚福禍之所伏孰知其極其無正正須
為奇善復為誠人之迷其曰固久是以聖人方而
不割廣而不穢直而不肆光而不耀治人及天
莫若式夫唯式是以早伏早伏謂之重積德重
積德則無不剋無不剋莫知其極能知其極可
以有國之母可以長久是以深根固蒂長生
久視之道

治大國若烹小脔以道莅天下其鬼不神非其
鬼不神其神不傷人非其神不傷人聖人亦不
傷人夫兩不相傷故德交歸

大國者下流天下之郊天下之郊壯常以靜

勝壯故大國以下小國則取小國小國以下大國則舉大國故或下而取或下而舉夫大國不過欲兼畜人小國不過欲入事人夫兩者各得其所欲故大者宜為下

道者萬物之奧善人之寶不善人所不保義言可以市尊行可以加人之不善奚棄之有故立天子置三公雖有供臂以先駟馬不如坐進山道古之所以貴此道者何不曰求以得有罪以免故為天下貴

為無為事無事味無味大小多少報怨以德而難於易為大於細天下難事必作於易大事必作於小夫輕諾必失信多易必多難是以聖人猶難之故終無難

其安易持其未兆易謀其既易破其微易散為之於未有治之於未亂合抱之木生於豪末九重之臺起於累土千里之行始於足下為者敗之執者失之是以聖人無為故無敗無執故無失民之從事常於幾成而敗之慎終如始則無敗事是以聖人欲不欲不貴難得之貨學不學備衆人之所過以輔萬物之自然而不敢為

古之善為道者非以明民將以愚之民之難治

以其多智故以智治國國之賊不以智治國國之德知此兩者亦楷式常知楷式是謂玄德玄德深遠與物反然後迺至大順

江海所以能為百谷王者以其善下之故能為百谷王是以聖人欲上民以其言下之欲先民以其身後之是以處上而民不重處前而民不害是以天下樂推而不厭以其无爭故天下莫能與之爭

天下皆以我大不嘖夫大將不嘖若嘖久其細我有三寶寶而持之一曰慈二曰儉三曰不敢為天下先夫慈故能勇儉故能廣不敢為天下先故能成器長今捨其慈且勇赦其儉且廣赦其後且先死矣慈以陳則勝以守則固天將救之以慈衛之

古之善為士者不武善戰不怒善勝敵不爭善用人為下是謂不爭之德是謂用人之力是謂配天古之極

用兵有言吾不敢為主而為客不敢進寸而退尺是謂行无行攘无辭執无兵仍无敵禍莫大於侮敵侮敵則失地而喪師兵相若則策者勝

吾言甚易知甚易行天下莫能知莫能行言

有宗事有君夫唯无知是以不吾知知我者希
則我者貴是以聖人被褐懷玉
知不知上不知知病是以
是以不病

民不畏威則大威至无狹其所居无餐其所
生夫唯不餐是以不斂故聖人自知不自見
自愛不自貴故去彼取此

勇於敢則斂勇於不敢則
天之所惡孰知其故天之道不爭而善勝不
言而善應不召而自來不言而善謀天網恢
恢疎而不失

民常不畏死奈何以死懼之若使常不畏死
而奇者吾孰得而斂之孰敢常有司斂者斂
夫代司斂者是代大近劉夫代大近劉希不
傷其手

人之飢以其上食稅之多是以飢百姓之難治
以其上有為是以難治民輕死以其生生之
厚是以輕死夫唯无以生為者是賢於貴生
毛之生柔弱其死堅強萬物草木生之柔脆其
死枯槁故堅強者死之徒柔弱者生之徒是以
兵弱則不勝木強則共故堅強居下柔弱處上
天之道其猶張弓高者抑之下者舉之有餘

者損之不足者興之天之道損有餘以奉天下唯有道是以聖人爲而不恃成功不震斯不貴賢

天下柔弱莫過於水而攻堅挫者莫之能先其无以易之故柔勝剛弱勝強天下莫能知莫能行是以聖人言受國之垢是謂社稷主受國不詳是謂天下王正言若反

和大怨必有餘怨安可以爲善是以聖人執左契不貴於人故有德司契无德司楮天道无親常與善人

小國宣民使有什伯之器而不用使民重死而不遠徙有舟輦无所乘之有鉞兵无所陳之使民復結繩而用之甘其食美其服安其居樂其俗鄰國相望雞狗之聲相聞使民至老不相往來

信言不美美言不信善者不辯辯者不善知者不博博者不知聖人不積既以與人已愈有既以與人已愈多天之道利而不害聖人之道爲而不爭

老子德經下

大唐景龍三年歲次己酉五月丁巳朔十八日甲戌沙州敦煌縣胡
閭鄉長沙里女官清信弟子唐真戒年六歲甲午歲可日貪於
聲色身心染於榮寵常在有欲元由身返依聞老子以无
極元年七月甲子日將欲度西而聞令尹喜好樂長生欲
從明君受一言之經老子曰善哉子之聞也吾道甚塗
不可妄傳生道入藏神明皆存百節閑孔六甲相連
能個身中錯綜元端胎息守中上為天連行之立仙
拜為真人傳不得法殃及其身身死名滅下流子孫真
戒既突人无誠竊好不已專志願之寶命奉受今依具
盟掛法費信誓心詣三洞法師北岳先生闍 求受
道德五千文經備行供養永為身寶斷金為盟違科
犯約幽宰長夜不敢有言